

დეკანოზი შალვა კეკელია – ველოდებით, რას გადაწყვეტს ჩვენი უნმინდესი, მასზე ვართ დამოკიდებული



დეკანოზ შალვა კეკელიას განცხადებით, სააღდგომო ლიტურგიის ჩატარებასთან დაკავშირებით ეკლესიას ჯერჯერობით წესი არ შეუცვლია.

ამის შესახებ მან ტელეკომპანია “პალიტრანიუსის” გადაცემა “360 გრადუსში” განაცხადა.

“10 დღეზე მეტი დარჩა აღდგომამდე, ამიტომ, ველოდებით, რას გადაწყვეტს სინოდი და ჩვენი უნმინდესი და მასზე ვართ დამოკიდებული. ჩვენი ეკლესიის კანონიდან გამომდინარე, სინოდალური დადგენილებით, პატრიარქის განცხადებით, ეკლესიას ამ დღესასწაულთან დაკავშირებით არაფერი შეუცვლია. რა როგორ იქნება, ამას ჩვენ ეპისკოპოსები გვეტყვიან და ჩვენ შევასრულებთ იმ ლოცვა-კურთხევას, რასაც ჩვენი ეპისკოპოსი გვაკურთხებს”, – განაცხადა მამა შალვა კეკელიამ.

რაც შეეხება ზიარების წესს, დეკანოზის განცხადებით, ზიარება არის “საკურნებლად

სულისა და ხორცისა და ის არ შეიძლება დაავადების წყარო გახდეს”.

„ზიარებასთან დაკავშირებით მე ყველა ექიმს დიდ პატივს ვცემ, მათ გმირული თავდადება გამოიჩინეს, ადამიანების გადასარჩენად, მათ კომპეტენციაში ეჭვი არ შეგვაქვს მკურნალობის თვალსაზრისით, რომ პროფესიონალები არიან თავისი საქმისა. მაგრამ, რაც შეეხება ზიარებას, ღვთის საიდუმლოს, ამაში ვერ დავეთანხმები ვერც ერთ ექიმს, რომ ზიარებიდან შესაძლოა, ადამიანს რამე სენი გადაედოს. როდესაც ვაზიარებთ ადამიანს, ასეთი სიტყვებით მივმართავთ, რომ ეს არის საკურნებელი სულისა და ხორცისა. არ შეიძლება ის, რაც სულისა და ხორცის საკურნებელადაა, გახდეს დაავადების წყარო ან თავის თავში რამე დაავადებას ატარებდეს”, – განაცხადა მამა შალვა კეკელიამ.

— ipn.ge